

Diasabra awor na Van Dorp na Dakota

Sera conoci cu hoben escritor Jermin Bell

Diasabra awor, 31 di sugustus e hoben escritor Jermin Bell ta presente na libreria Van Dorp na Dakota pa promove su prome buki titula 'Nameless', un buki di escritura inspiracional.

'Nameless' ta ofrece un experiencia diferente, ya cu e ta mas un manera un instrumento pa reconecta cu bo alma. E ta dividi den 3 categoria cualnan ta romance, identidad y spiritualidad y bo por consulta

cual area di cu bo ta sinti un inquietud. Escrituranan por wordo usa manera un guia diario pa ricibi inspiracion. Como estudiante di psicología practico na Amsterdam, Hulanda, Jermin Bell a lansa su prome buki na Aruba, su pais natal. Pueblo di Aruba ta keda cordialmente invita pa pasa sera conoci y intercambia ideanan cu Jermin Bell na Van Dorp Dakota diasabra awor for di 11or di mainta te cu 1or di atardi.